



Broj protokola: 0202 - 1501/19

Sarajevo, 24. 12. 2019.

Na osnovu Uredbe o postupku prijema u radni odnos (Sl.novine Kantona Sarajevo, br:9/19 i 21/19), člana 36.Statuta, Pravilnika o radu, unutrašnjoj organizaciji i sistematizaciji radnih mjesta Zavoda, saglasnosti Ministarstva zdravstva Kantona Sarajevo i na preporuku Komisije za provođenje javnog oglasa direktor donosi

ODLUKU **o izboru kandidata**

I.

Na upražnjeno radno mjesto magistar farmacije-1 izvršilac, na određeno vrijeme do jedne (1) godine u radni odnos prima se kandidatkinja **Nejra Džemidžić** iz Sarajeva.

II.

Sa izabranom kandidatkinjom će se potpisati Ugovor o radu kojim će se definisati sva prava i obaveze iz radnog odnosa.

Prije početka radnog odnosa odnosno prije potpisivanja Ugovora o radu izabrana kandidatkinja je dužna dostaviti Uvjerenje o zdravstvenoj sposobnosti za obavljanje poslova propisanih za navedeno radno mjesto.

III.

Ova Odluka stupa na snagu danom donošenja.

Objašnjenje

Na osnovu ukazane potrebe raspisan je Javni oglas za prijem u radni odnos jednog izvršioca na određeno vrijeme za radno mjesto magistar farmacije koji je objavljen u dnevnim novinama "Oslobođenje" dana 22.11.2019.godine te na službenoj stranici Zavoda www.zalcnarc.net i stranici Zavoda za zapošljavanje Kantona Sarajevo.

Komisija imenovana Odlukom direktora broj 0202-1196/19 od 07.11.2019.godine, nakon obavljenog pismenog ispita i usmenog dijela ispita/intervjua sa kandidatima koji su ispunjavali opće i posebne uslove za upražnjeno radno mjesto, sačinila je Rang listu uspješnih kandidata prema kojoj su prvorangirane dvije kandidatkinje Nejra Džemidžić sa ukupno ostvarenih 96,33 bodova i Azra Fatić Hujdur sa ukupno ostvarenih 96,33 bodova.

Komisija nije mogla dati prednost nijednoj kandidatkinji, u skladu sa posebnim Zakonom kojim se daje prioritet u zapošljavanju, obzirom da su obe dostavile dokument-potvrdu o tome da su njihovi očeви bili pripadnici OS R BiH tokom proteklog rata.

Nakon detaljnog uvida u personalnu dokumentaciju obje kandidatkinje, direktorica Zavoda utvrđuje da kandidatkinja Nejra Džemidžić (1992), koja je završila studij farmacije u roku (Sarajevo, juli 2016), ima dvije godine radnog iskustva nakon položenog stručnog ispita (juli 2017), te da je pored poslova magistra farmacije, obavljala i poslove profesora farmaceutske tehnologije u Srednjoj Medicinskoj školi u Sarajevu, kao i poslove medicinskog predstavnika jedne farmaceutske kompanije. Ima Licencu za samostalan rad koju izdaje nadležna Komora magistara farmacije FBiH od 20.09.2017.godine.

Pored toga, kandidatkinja Nejra Džemidžić je, u relativno kratkom periodu poslije završetka studija, iskazala interes za dodatno stručno usavršavanje, za koje ima čak 6 certifikata, koji uključuje i certifikat doping kontrolora i certifikat rada na računaru.

Također, Nejra Džemidžić ima certifikate za dva strana jezika (eng. i njemački), što naročito cijenim kao prednost u odnosu na drugu kandidatkinju, a što je od značaja za posao farmaceuta u Zavodu (programi supstitucione terapije koji se provode u Zavodu su u skladu s međunarodnim standardima te uputstva lijekova ili nalazi pacijenata stranaca, koje smo kao članica Svjetske zdravstvene organizacije, obavezni primiti, dolaze s dokumentacijom na stranom jeziku).

Kandidatkinja Azra Fatić-Hujdur (1987), koja je studij farmacije završila kasnije (Travnik, septembar 2018) ima znatno manje radnog iskustva, a manje od 6 mj. radnog staža nakon položenog stručnog ispita (maj 2019). Licencu za samostalan rad koju izdaje nadležna Komora magistara farmacije FBiH, ima od 18.06.2019. godine.

Kandidatkinja nije dostavila nikakve dokaze koji bi išli u prilog dodatne edukacije u struci niti dokaze koji idu u prilog navoda iz prijave (poznavanje stranog jezika, rada na računaru i dr.), iako je u prijavi navela da govori engleski jezik i dobro poznaje rad na računaru.

Iako su obe kandidatkinje ostvarile isti broj bodova u zbirnom skoru na usmenom dijelu ispita, Nejra Džemidžić je ostavila bolji ukupni dojam na dva člana Komisije, a od strane predsjednika Komisije je dobila maksimalan broj bodova (40), što nije slučaj s drugom kandidatkinjom.

Imajući u vidu gornje navode, donesena je odluka o prijemu Neje Džemidžić, kao kandidatkinje koja ima bolje stručne reference, ne umanjujući pritom kvalitete i rezultate testiranja druge kandidatkinje, Azre Fatić-Hujdur, koja također ispunjava sve uslove predmetnog javnog oglasa i poželjna je za stručnog saradnika u svakoj zdravstvenoj ustanovi Kantona Sarajevo kao i široj regiji.

Pouka o pravnom lijeku: Protiv ove Odluke može se uložiti žalba u roku od 8 (osam) dana od dana prijema iste. Žalba se podnosi Upravnom odboru Zavoda.



Direktor Zavoda
Doc.dr sci med.Nermana Mehić Basara